



# En me Ewe Opposun Eppetin COVID-19

*Sopwosopwun porousen pwan ekkoch oppos, apochokkunen oppos, me safeian eppetin menun COVID-19*

*Ketiwan 1/13/2022, Siiwin 3/7/2022*

## Pwan sopwosopwun opposun eppetin COVID-19

An OHA Kinikinin HIV/STD/TB mei pesei ngeni aramas nimwu ierir feita, ion mei semwen ren HIV nge ra angei ruu ar opposun eppet nein ekkewe Pfizer/BioNTech ika Moderna opposun eppetin COVID-19, pwe repwe pwan angei efoch sopwosopwun ar oppos mwaren 28 ran mwirin ar ewe oruofochun oppos. Pwan ew, am mei pesei ngenir pwe repwe pwan angei ew me nein ekkewe Pfizer/BioNTech ika Moderna opposun eppetin COVID-19 mwaren 28 ran mwirin, ika re angei ewe J&J/Janssen opposun eppet.

Am mei pesei ngeni aramas re semwen ren HIV, ir mei tongeni angei pwan efoch sopwosopwun opposun eppetin COVID-19 fengen me ika ekkewe aramas re nomw non ew ekkei napanap mei tetten fan ei, pwe repwe pwan angei efoch sopwosopwun ar opposun eppetin COVID-19 pwe epwe unuseoch ar opposun eppet. Chon kaeo ngeni ra sinei pwe ekkewe aramas re nomw non ekkei napanap, fansoun ar ewe angei ar opposun eppet, mei auchea repwe pwan angei efoch sopwosopwun pwe epwe pochokkun nour menun fiiu ika e torir COVID-19.

- Rese aea safeian HIV
- Mei urir esissinen paikiingin HIV
- Ar CD4 mei kukkun seni 350 cells/mL
- Mei urir kanserun HIV (awewe ren a po non inisir ika lymphoma, kinas won unuchar ika Kaposi sarcoma, ika kanser epin an fefin nenien mwonukon ika ikewe an aramas nenien akan tou ar kiten mongo me ian) nge ese wattenon naman ar CD4 ika ra fen poputa ne aea safeian HIV
- Mei urir semwenin paikiing (awewe ren paikiingin non ammatar ika pneumocytis nomonia [PJP PCP], cryptococcal meningitis tupuwen aramas chuunapar, TB, me toxoplasmosis pan maan) nge ese wattenon naman ar CD4 ra fen poputa ne aea safeian HIV
- Ir mei aea safeian kanser

- Mei wor masowen non chuun emon ika pisekin non inisin emon non inisir ika transplant
- Ir mei wuun safei mei nieno menun epochokkunen non inisir (awewe ren ekkewe safei prednisone, methotrexate, Humira, ika Remicade)
- Mei wor semwenin foun nepekir nge re nom won dialysis
- Mei nap seni 65 ierir

## Apochokkunen opposun eppetin COVID-19

Me nukun pwan efoch sopwosopwun opposun eppet ren aninnisin an epwe pochokkun inisin emon, ewe apochokkunen oppos mei sopweno ne apochokkuna inisin aramas me nour menun fiiu ngeni semwen. Am mei pesei ngeni aramas ier 12 feita, pwe repwe angei ewe apochokkunen opposun eppetin COVID-19 mwaren 3 maram mwirin saingonon ar angei ar mRNA opposun eppet (Pfizer/BioNTech ika Moderna). Aramas re angei ewe J&J/Janssen opposun eppet, mei pesepes pwe repwe angei ewe apochokkunen oppos, finiar nein menni ekkewe mei kawor mwaren ruu maram mwirin saingonon ar angei ar opposun eppet (ewe mRNA apochokkunen oppos e eoch.) Ewe akkomwen angangen opposun eppet, mei apachanong ekkewe sopwosopwun opposun eppetin COVID-19, ussun ekkewe mei affat asan ei.

Mei auchea ekkei apochokkunen oppos pwe mei eppet semwenin Omicron, ewe pwan ew semwenin COVID-19 me eukuetiw fansoun [semwen seni paikiingin COVID-19](#) ina epwe konnien tter me nein aramas re semwen seni HIV.

En mei tongeni aea ei ourour ren an epwe anisuk omw eki eki menni opposun eppet kopwe angei me inet kopwe angei, anongonong won met sokkun opposun eppet ke angei akkomw. Ika mei wor omw kapas eis fan iten met sokkun opposun eppet kopwe angei me inet kopwe angei, kose mochen kosapw saaw omw kopwe kapas ngeni noumw chon angangen tumwun mei semwen.

## Opposun eppetin COVID-19 ourour ngeni aramas re semwen ren HIV

Ika ka angei 2 opposun eppet ren ewe Pfizer/BioNTech akkomw nge mei:	Am mei pesei ngonuk pwe kopwe pwan angei efoch sopwosopwun omw oppos mwaren 28 ran mwirin omw oruofochun oppos ren:	Me ewe apochokkunen oppos mwaren 3 maram seni saingonon omw oppos ren:
5-11 ierir	Pfizer/BioNTech	Apochokkunen oppos ese mwo mwuumwuuta aean
12-17 ierir	Pfizer/BioNTech	Pfizer/BioNTech
18 ierir, feita	Moderna ika Pfizer/BioNTech	Moderna ika Pfizer/BioNTech
<b>Akkomwen opposun eppet</b>		<b>Apochokkunen oppos</b>

Ika ka angei 2 opposun eppet ren Moderna akkomw nge mei:	Am mei pesei ngonuk pwe kopwe pwan angei efoch sopwosopwun omw oppos mwaren 28 ran mwirin omw oruofochun oppos ren:	Me ewe apochokkunen oppos mwaren 3 maram seni saingonon omw oppos ren:
18 ierir, feita	Moderna ika Pfizer/BioNTech	Moderna ika Pfizer/BioNTech
<b>Akkomwen opposun eppet</b>		<b>Apochokkunen oppos</b>

Ika ka angei 1 opposun eppet ren ewe J&J/Janssen nge mei:	Am mei pesei ngonuk pwe kopwe pwan angei efoch sopwosopwun omw oppos mwaren 28 ran mwirin omw oruofochun oppos ren	Me ewe apochokkunen oppos mwaren 2 maram seni saingonon omw oppos ren:
18 ierir, feita	Moderna ika Pfizer/BioNTech	J&J/Janssen, Moderna ika Pfizer/BioNTech. E eoch ika ewe Moderna ika Pfizer/BioNTech.
Akkomwen opposun eppet		Apochokkunen oppos

## Safei ren eppetin COVID-19

Non ewe Dec. 8, 2021, ewe FDA re awora ar mwuumwuuta ren aea fansoun imerechensi, safeian non fansoun nakattam, [Evusheld](#), ren eppetin paikiingin COVID-19 ngeni aramas 12 ierir feita ika mwo ese urir COVID-19 ika torir menun COVID-19 (ussun ewe safei ren aramas mei semwen ren HIV). Ewe safei epwe kawor ngeni aramas mei apwangapwang nour menun fiu ngeni semwen (ussun ekkewe mei affat non ewe kinikin "Sopwosopwun opposun eppetin COVID-19" asan ei) minne-ka inisir ese tongeni pochokkun mwirimwirin ar oppos ika aramas mei wor pekingawen opposun eppetin COVID-19 ngenir.

Evusheld nge ruu safei mei nofit non, itar monoclonal antibody. Monoclonal antibody nge ew sokkun protein mei fofforuta me non ew laboratory, mei tongeni eppet seni kich paikiing. Evusheld mei wor ruu ekkei sokkun protein non, mei eppet seni semwenin COVID-19. Ei safei mei opposunong fan ruu non futuken aramas fengen me awora eppetin semwenin COVID-19 non ukuukun 6 maram.

Ei safei Evusheld, me mwen an epwe tori emon menun semwen, esapw siwinin we opposun eppetin COVID-19 nein aramas ir mei tufichin angei. OHA mei angang iei fengen me ekkewe tokterun HIV non ei state pwe repwe tumwuneochu pwe epwe kawor fengen me esapw pwan kame ei safei ngeni aramas mei semwen seni HIV.

## Ekoch porous

Ren sopwosopwun porousen COVID-19 me opposun eppetin COVID-19, pachenong ian mei kawor ia, kose mochen katon neum ewe FAQ won an OHA ewe [COVID-19 me HIV webpage](#) me an OHA ewe [peich](#) ren opposun eppetin COVID-19. Ekkei porous non ei taropwe mei sopwe ngeni nge esap ekkesiwinin omw kopwe kapas ngeni noum tokter ren ifa ussun omw kopwe eppet sonuk COVID-19, pachenong omw kopwe angei ewe opposun eppetin COVID-19.

**Tourechun ei taropwe:** Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokkori ewe COVID-19 Communications Unit won nampa 1-971-673-2411, 711 TTY ika [COVID19.LanguageAccess@dhsosha.state.or.us](mailto:COVID19.LanguageAccess@dhsosha.state.or.us)